

REGVLÆ EX CONCILIO
TRIDENTINO.

REGVLA SECVNDA.

HÆRESIARCHARVM libri, tam earum, qui post prædictum annum hæreses inuenerunt, vel suscitauerunt, quàm qui hæreticorum capita, aut duces sunt, vel fuerunt, quales sunt, Lutherus, Zuinglius, Calvinus, Balthazar Pacimontanus, Swenckfeldius, & his similes, cuiusque nominis, tituli argumenti existant, omnino prohibentur. Aliorum autem hæreticorum libri, qui de religione quidem ex professo tractant omnino damnantur. Qui vero de religione non tractant, à Theologis Catholicis iussu Episcoporum, & Inquisitorum examinati, & approbati permittuntur. Libri etiam Catholice conscripti, tam ab illis qui postea in hæresim lapsi sunt, quàm ab illis, qui post lapsum ad Ecclesiæ gremium rediere, approbati à facultate Theologica alicuius Vniuersitatis Catholice, vel ab Inquisitione generali, permitti poterunt.

REGVLA QVINTA.

LIBRI illi, qui hæreticorum auctorum opera interdum prodeunt, in quibus nulla, aut pauca de suo apponunt, sed aliorum dicta colligunt, cuiusmodi sunt Lexica, Concordantia, Apophthegmata, Similitudines, Indices, & huiusmodi si quæ habeant admixta, quæ expurgatione indigeant, illis Episcopi, & inquisitoris una cum Theologorum Catholicorum consilio sublatis, aut emendatis, permittantur.

REGVLA SEPTIMA.

LIBRI qui res lasciuas, seu obscenas ex professo tractant, narrant, aut docent, cum non solum fides, sed & morum, qui huiusmodi librorum lectione facile corrumpi solent, ratio habenda sit, omnino prohibentur; & qui eos habuerint, seuerè ab Episcopis puniantur. Antiqui verò, ab Ethni-

Ethni-